

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj: 7/10 i 3/23), člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14-isp., 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 19. stav 1. tačka 2), člana 21. stav 4. i 5. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16), člana 9. stav (4) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 7/21, 4/24 i 12/24) i člana 4. Odluke Vlade Zeničko-dobojskog kantona o pokretanju procedure dugoročnog kreditnog zaduženja Zeničko-dobojskog kantona u 2024. godini („Službene novine Zeničko-dobojskog kantona“, broj: 21/24), na prijedlog Ministarstva finansija, Vlada Zeničko-dobojskog kantona, na svojoj 57. sjednici, održanoj 29.11.2024. godine, d o n o s i

ODLUKU **o dugoročnom kreditnom zaduženju** **Zeničko-dobojskog kantona u 2024. godini za LOT 3**

Član 1.

(Odobranje kreditnog zaduženje Zeničko-dobojskog kantona)

Nakon okončanog postupka Drugog javnog poziva za dugoročno kreditno zaduženje Zeničko-dobojskog kantona u 2024. godini, broj: 07-11-2554-7-2/24 od 17.10.2024. godine, objavljenog dana 18.10.2024. godine na web stranici Vlade Zeničko-dobojskog kantona, u dijelu javni pozivi/konkursi, te izbora najpovoljnijeg ponuđača za dugoročno kreditno zaduženje Zeničko-dobojskog kantona u 2024. godini za LOT 3 Drugog javnog poziva - **ASA BANKE d.d. Sarajevo**, odobrava se dugoročno kreditno zaduženje Zeničko-dobojskog kantona u 2024. godini u iznosu od 5.000.000,00 KM (slovima: petimilionakonvertibilnihmaraka i 00/100 KM), plus pripadajuće kamate, a u svrhu finansiranja budžetskog deficita Kantona.

Član 2.

(Osnovni elementi - uslovi kreditnog zaduženja)

Kreditno zaduženje iz člana 1. ove odluke izvršit će se u skladu sa sljedećim elementima (uslovima):

- a) iznos kredita od 5.000.000,00 KM (slovima: petimilionakonvertibilnihmaraka i 00/100 KM), sa rokom otplate od 48 mjeseci (u koji nije uključen grace period),
- b) okvirna vrijednost ugovora (ukupni iznos kamata sa svim drugim troškovima kredita izraženim u KM za cijeli period otplate kredita) u iznosu do 386.558,33 KM, koju je ponuđač izrazio u procentu efektivne kamatne stope od 2,50%.
- c) grace period: do 28.11.2025. godine (ne uračunat u rok otplate),
- d) forma duga: dugoročni unutrašnji dug u formi zajma, zaključivanjem kreditnog sporazuma - ugovora sa napovoljnijim ponuđačem nakon okončane procedure javnog poziva,
- e) sredstvo obezbjeđenja: mjenice (bez hipotekarnog obezbjeđenja),
- f) svrha zaduženja: finansiranje budžetskog deficita Zeničko-dobojskog kantona,
- g) zaduženje se vrši uz poštivanje odredbi člana 7. Zakona o dugu, zaduživanju i garancijama u FBiH i u okviru ograničenja duga koji je uspostavila Skupština Zeničko-dobojskog kantona Budžetom Zeničko-dobojskog kantona za 2024. godinu i Zakonom o

izvršavanju Budžeta Zeničko-dobojskog kantona za 2024. godinu,
h) uvjeti otplate: kvartalna otplata.

Član 3.

(Ovlašćenje ministru Ministarstvu finansija za potpis ugovora)

Ovlašćuje se ministar Ministarstva finansija, da u ime Vlade Zeničko-dobojskog kantona, sa izabranim ponuđačem za LOT 3 Drugog javnog poziva - ASA BANKOM d.d. Sarajevo, potpiše Ugovor o dugoročnom kreditu u iznosu od 5.000.000,00 KM (slovima: petimilionakonvertibilnihmaraka i 00/100 KM), pod uslovima iz člana 2. ove odluke, na koje je Vlada dala saglasnost, te da potpiše mjenice kao sredstvo obezbjeđenja navedenog kredita, mjenična ovlaštenja, zahtjev za prenos kreditnih sredstva, kao i sve naloge i druge akte potrebne za prenos sredstava na račun Kantona i za realizaciju kredita.

Član 4.

(Stupanje na snagu i objava Odluke)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-19792/24

Datum, 29.11.2024. godine

Zenica

PREMIJER

Nezir Pivić

DOSTAVLJENO:

1x Ministarstvo finansija,

1x „Službene novine Zeničko-dobojskog kantona“,

1x a/a.